



ESTD 18th Nov, 1990

Chawlhni Eng

Since April 8 1990

Volume 35 Issue No. 20

An Organ of Republic Vengthlang Branch KTP

19th May, 2024

THLARAU THIANGHLIM

- Upa R. Lalropuia

“Pathian chu Thlarau a ni; a chibai bûktuten thlarau leh tihtak zetin chibai an bûk tûr a ni” (Johana 4:24)

Thlarau Thianghlim chu enge a nih? Tunge a nih?: Thlarau Thianghlim chu enge nia kan hriat, tunge nia kan hriat? A chhâna tawite, kim vek bawk chu – “Thlarau Thianghlim chu ‘PATHIAN a ni’ tih hi” Pathian pakhat minung pathum te zinga pakhat, chatuan mi, danglam ngailo a ni. Rin dan pakhat leh ziritir dan pakhat chuan – Pa hun awmin a liam tawh a, Fapa hun pawh a liam tawh a, Thlarau Thianghlim hunah kan cheng mek niin an zirtir a. Pa leh Fapa chu Pathiana pawm ve ang reng tho siin, Thlarau Thianghlim huna chengin thlarau raiiin an nung a, hei hi kan Pathian thu zirtir dan a ni lo. Pa hun a awm chuang lova, Fapa hun a awm bik chuang lova, Thlarau Thianghlim hun a awm bik chuang hek lo. Chatuan ata chatuan thlengin an dinhmun a inang vek a ni, Thlarau Thianghlim chu Pathian a ni. He Pentikos Ni-ah hian Thlarau Thianghlim chu Pathian pakhat minung pathum te zinga pakhat, chatuan ata chatuan thlenga danglam lo tur a ni tih hi kan hriat nawn thar leh a tûl hle a ni.

Thlarau Thianghlim chu Pa leh Fapa ata lo chhuak a ni : Thlarau Thinghlim chu Pa leh Fapa ata lo chhuak, mahnia awm a, hmun tina awm, thlarau dang reng reng laka hrang si a ni. Chuvang tak chuan Johana chuan, “Duhtakte u, thlarau nazawng ring suh u; amaherawhchu, thlaraute chu Pathian lak ami an ni nge nilo fiah rawh u” tiin min hrillh a ni. (I Johana 4:1) Zoram dung leh vang, Zoram pawn thlengin inti engemaw rau riau mai hian min tuam fo reng mai ti rawh u. Eng thuhiril âthlâk emaw hian min ti chiaï fo mai. Mumang mak leh hrillâwkna mak kan buaipui a, chu chuan min va tinghing nasa thin êm! Heng zawng zawng a lo thlen chang hian Pathian laka mi an nih leh nih loh fiah fo ila, tawngtâiin Pathian râwn thin ila, Baibul zirtirna nèn a inmil em en fo turin kan Pathian thu chuan min chah a ni. Galatia 5:22-23-a kan hmuh angin thlarau sualte chuan Pathian duhdan an dodal a, Pathian ram tihchhiat an tum reng thin. Thlarau Thianghlim erawh chuan Pathian duhzawng amah ringtuteah a hriattir a, Lal Isua Krista min kawhmmuh a, Lalpa leh Chhandamtua pawm tûrin min tanpui a, keimahniah felna rah chi tinreng a thawk chhuak thin a ni.

Kan Baibula sual ngaihdam theih loh a sawi Thlarau Thianghlim sawichhiat hi kan sawi vawng nasa khawp mai. Khawimawlai khurbîng khawpa tla fal a, mi nu leh pa, nula leh dangval in nauawm tak maia in awm ngai khawpa engemaw rau chang nen lama sawisel ngam lo khawpa Thlarau Thianghlim sawisel kan hlau hi chu inen chian zawk fo kan ngai a ni. Thlarau Thianghlimin min zirtir leh kaihhruai a tum dân ngaihthah a, dodal a, sual luih tlat hi Thlarau Thianghlim sawichhiatna chu a ni.

Thlarauva khat turin min chah : Kan Pathian thu chuan Thlarauva khat turin min chah a. “Thlarauva khatin awm rawh u” tih a nih kha (Ephesi 5:18) Pathian nena lêngdùn a, Thlarau Thianghlima khat ringtu hmasate chanchin hi a ropui hle. Thlarau Thianghlima khat Abela chuan a ran rual zinga piang hmasa ber Pathian hnênah a pe mai a, chu chuan Pathian a tilâwm mai a. Engtin nge Pathian hnênah thilpêk kan pêk ve thin (Phek lehlamah chhunzawmna...)

KOHRAN HUNRUAT

Inkhawm Hruaitu

Ni 16-31.05.2024 : Upa R. Lalnghaka
Ni 01-15.06.2024 : Upa Lallhmunsanga

19 May : Pathianni

PENTIKOS NI

Chawhma

Tantu : Pi Zosangpuii
Thuhritu : Pastor C. Lalhuanawma
Thupui : “Thlarau Thianghlim chuan Isua nihna a puang”

Chawhnu

Tantu : Pi R. Zothanmawii
Thuhritu : Pu B. Lalthansanga
Thupui : “Thlarau Thianghlimin sual kan nih min briattirin thu takah min bruai lut”

Zan

Thuhritu : T. Upa H. Zasiama
Thupui : “Thlarau Thianghlim chuan Kohbranah min bruai lut”
Zaipawl : Kohhran Zaipawl

22 May : Nilai Zan

Tantu : Pi Kapchhungi
T. Hawngtu : Pu C. Chhunthanga
Thupui : “Kristiante mawhphurbma - Taihmak”

25 May : Inrinni Zan

Tantu : Pi Lalmunliani
Thuhritu : Pu Malsawma Pautu
Tawngtairual & thuhiril

KOHRAN HMEICHHIA

Thawhlejni zan (Ni 21.05.2024)
(World Day of Prayer)

Hruaitu : Pi Lalsangliani
Tantu : Pi Malsawmi
Thu chhiar : Nl. K. Lalduhawmi, Secretary
Thupui : “Hmangaihmaa in dawh tawn”
Thupui sawitu : Pi TC Vanlalhumi

ZING TAWNGTAI INKHAWM HRUAITUTE

(Ni 20.05.2024 - 26.05.2024)

Tan hun : Dar 5:30 AM

Thawhtanni : Upa R. Lalnghaka
Thawhlejni : Pu Malsawma Pautu
Nilaini : Pi Lalremruati
Ningani : Pu C. Hranglura
Zirtawpni : Pi TC Vanlalhumi
Inrinni : Tv. HF Lalrinpuia
Pathianni : Pi Lalsangpuii (2)

Editorial Board

Editor	: Christopher Ramnunmawia	8730922458
Jt. Editor	: Zakaria VL Tanpuia	7085207763
News Editors	: Ramengmawia	9643380080
	Lalchhanchhuaha	8014653293
	Henry K. Malsawmtluanga	7627908950
	Zoremthanga	8414053544
Manager	: Lalremruati	8575285632
Cir. Managers	: Sammy Zodingsanga	6909484229
	H. Lalthuamlia	8794529394
	B. Rosangliana	9383101621

Kohhran website : www.rvtkohhran.com

(Sermon *chhonzawmna...*)

le. Thlarau Thianghlima khat Nova chuan beidawng lovin lawng a tu tlah tlah a, tuilêta mihring zawng zawng an boral vek laiin an chhôngkua chu an him a ni. Khawvel tuilêt but butah hian nang leh kei hi chîm pil mai theih kan ni reng mai. Khawvel hausakna te, khawvel nawmchenna chi hrang hrang hi kan vêlah hian ava tam êm! Chu chuan englai pawhin min vêl reng a, min chim pil ve thei reng mai, Thlarau Thianghlim-a kan khah chauh hian chu khawvel tuilêt mêkah chuan kan him thei dâwn a ni. A pu beram vênna ata koh chhuah, mi dangâwk, Mosia chu Thlarau Thianghlim nen chuan Hruaitu Ropui, Israel fate, mi maktaduai hnih vel zet tur Aigupta ram ata hruaichhuak theikhawpa mi tling a ni mai. Thlarau Thianghlima a khah tlat avângin Joshua ten Israel ralkâp mite nen Jeriko hneh nan, laipui tha leh ralthuam ropui an hmang lo, tawtawráwt leh an au thâwm chuan Jeriko kulh ropui chu a tichim vek mai. Vawiinniah hian insit ngawt lovin, kan vêla sual kulh tichim tûrin Pathianin tudang mah a nei lova, nang leh kei hi a sipai rinawm ni tûrin min ko a ni.

Thlarau Thianghlim hi kan chang tawh thin a nih pawhin, Thlarau Thianghlim hi vawi khat chauh chan tûr niawm lo tak a ni. Petera pawhin vawikhat aia tam a chang a (Tirh. 2:14; 4:8; 4:31). Tin Paula ngei pawhin chutiangan vawikhat aia tam a chang bawk. (Tirh. 9:17; 13:9) He Penkos Ni-ah hian Pathian Thlarau Thianghlim chang turin hawh u, Pathian hnênah a tharin inhlân ang u.

KOHHRAN ZAIPAWL HRIATTIRNA

Zaninah Kohhran Zaipawl ten hla rem tur a ni a, zan dar 6:00-ah hla enlawk turin Biak In ah kim theuh turin Zaipawl puipaten min ngen a ni.

DIAMOND JUBILEE LAWMPUI TURIN SAWM

Republic Veng Branch KṬP-in an Diamond Jubilee ni 24.05.2024-a an lawm turah lawmpui tura Branch KṬP Committee te an sawm angin telpui ngei ni se tiin an rêl a.

Tin, Diamond Jubilee lawmpui nan hian ₹ 2,000/- leh Momento ₹ 500/- man hu pek ni se, a hlantu turin Pu David Lalruatfela, Leader nise an ti a ni.

KTP GENERAL CONFERENCE HLA BU 2024

Kohhran mipui KṬP General Conference hla bu 2024 lei duh tan Branch KṬP sum enkawltute hnenah engtik lai pawhin a lei theih reng e.

CTG & PNI HRIATTIRNA

Vawiin hi Pentikos Ni anih avangin CTG leh PNI te tan a hranpaa inkhawm a awm dawn lo a ni.

TUNKAR ZAI HRUAITUTE

Pu Lalchangliana (Leader), *Khuangpu*
 Pu F. Lalnithanga, *Khuangpu*
 Pu Lalramliana, *Khuangpu*
 Tv. Lalmalsawma, *Khuangpu*
 Tv. Lalzawngkima, *Pianist*
 Nl. R. Vanlalmangaihi, *Hla Hritlu*
 Pi Rosie Lalbiaksangi, *Hla Hritlu*

KRISTIAN ṬHALAI PAWL**Thawhṭanni zan (Ni 20.05.2024)**

Hruaitu : Tv. H. Lalnunmawia, *C/m*
 Ṭantu : Nl. Ruth Ramengmawii, *Jb.*
 Thuhritlu : Nl. Angela Zothansangi, *C/m*
 Bible Chhiar Rual
 Kaihruaitu : Tv. Joseph Lalruatdika, *Jb.*
 Solo : Tv. Robert Malsawmzuala, *Mk.*

KOHHRAN PAVALAI PAWL**Thawhṭanni zan (Ni 20.05.2024)**

Hruaitu : Pu K. Lahlimpuia
 Ṭantu : Pu C. Chawnglianuzuala
 Thuhritlu : Upa K. Darthanga, Chairman
 Kohhran Committee

TUNKAR CONTROL ROOM DUTY

(Ni 20.05.2024 - 26.05.2024)

1. Pu Laldawngliana 2. Tv. Lalhmingtluanga

KTP LEADERSHIP TRAINING**Zirtawpni zan (Ni 24.05.2024)**

A hmun : Kohhran Hall
 Hruaitu : Pu Joseph Lalrinmawia, *A. Leader*
 Trainer : Upa F. Lalfakzuala, *i/c KṬP*
 Thupuan &
 Inchhiarna : Pu PC Zosangliana, *Secretary*
 Zai hruai : May thla zai hruaitute
 Sound i/c : Property & Sound Committee
 Refreshment : Refreshment Committee
 Seat
 Arrangement : Branch C/m & Group OB te

Seat Arrangement hnatlang hi ni 22.05.2024 (*Nilaini*) zan inkhawm ban a neih tur a ni.

Leadership Training ah hian Branch Committee, Group Committee leh Sub - Committee Member te tel tura beisei an ni.

GROUP NEWS

Matthaia Group : Ni 17.05.2024 (*Zirtawpni*) zan khan group sumtuak nan vengchhungah BP Check leh Inbukna an nei a, Kohhran mipui tlawmngaia lo dawrtute leh group member thawkhhuak zawng zawngte chungah hruaituten lawmthu an sawi a ni.

Marka Group : Ni 16.05.2024 (*Ningani*) zan khan group sumtuak nan pickle an zuar a, Kohhran mipui tlawmngaia lo leisaktu te hnenah leh group member thawkhhuak zawng zawngte chungah lawmthu group hruaituten lawmthu an sawi a ni.

Luka Group : Ni 07.05.2024 (*Thawhlembi*) zan khan group sumtuak nan Euro Fixture an zuar a, Kohhran mipui lo dawrtu zawng zawngte chungah leh member thawkhhuak zawng zawngte chungah group hruaituten lawmthu an sawi a ni.